



Pranuar / Dorezuar Prilipenja/Prilato Received/Delivered	09-03-2021	viti god year	1
Organ / Njësia Organ / Jedinita Org / Unit	Nr Prot Br Prot Prot No	Shtesa Prilog Appendix	Sasia Kohëzma Quantity
SKIMSHUK	1066/2021		113



## Republika e Kosovës Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.40/2021

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Ardita Haxhnikaj-Demi-kryetare, Arben Mehmeti dhe Eshref Shabani-anëtarë, me Flakron Gashi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.40/2021 të datës 01.02.2021, të parashtruar nga ankuesi me adresë banimi: Rruga "Besa Besë" te banesat e Qenan Agushit, Hyrja 1/kati 4 Nr.32, Komuna Fushë Kosovë, kundër organit të punësimit Policia e Kosovës, në çështjen juridike "kompensim material", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 09.03.2021, mori këtë:

### V E N D I M

Këshilli i Pavarur Mbikëqyrës për Shërbimin Civil të Kosovës, shpallet jo kompetent për të vendosur për ankesën me numër A.nr.40/2021 të datës 01.02.2021, të parashtruar nga ankuesi

### A r s y e t i m

Ankuesi i punësuar në Policinë e Kosovës, më datë 01.02.2021 ka parashtruar ankesë me numër protokolli 393/2021 e regjistruar me numër A.nr.40/2021 në Këshillin e Pavarur Mbikëqyrës për Shërbimin Civil të Kosovës, me pretendimin ankimor për njohjen e të drejtës për kompensimin e shtesës materiale për periudhën Tetor- Dhjetor 2020, sipas vendimeve të Qeverisë së Republikës së Kosovës, për pakon emergjente COVID-19.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës me datë 04.02.2021, ka proceduar kërkesën për përgjigje në ankesë të ankuesit të Policia e Kosovës. Ndërsa Këshilli me datë 04.03.2021 ka pranua nga Policia e Kosovës, përgjigjen në kërkesë me numër protokolli 982/2021 se bashku me shkresat e bashkangjitura.

*Kolegji për Shqyrtimin e Ankesave ka administruar këto prova:* Ankesën me numër protokolli 393/2021 të datës 01.02.2021 e parashtruar nga ankuesi në Këshillin e Pavarur Mbikëqyrës për

Shërbimin Civil të Kosovës; Listën e anëtarëve të angazhuar në punë; E-mailin e datës 15.01.2021 me korrespondencën e bashkangjitur; Ankesën e ankuesit e parashtruar në Komisionin për Zgjidhjen e Kontesteve dhe të Ankesave te datës 01.02.2021; Vërtetimin e datës 01.02.2021 me numër reference 4/1-01SRR/0416; Kërkesën për përgjigje në ankesë te datës 04.02.2021 me numër protokolli 478/2021; Përgjigjen në kërkesë te datës 04.03.2021 me numër protokolli 982/2021; E-mailin e datës 18.01.2021 me korrespondencën e bashkangjitur; Kontratën e Punës së ankuesit me numër reference 07/1-01A/0423 te datës 01.09.2014; Përshkrimin e detyrave për pozitën "Radio komunikues" në Policinë e Kosovës; E-mailin e datës 12.11.2020 me korrespondencën e bashkangjitur; E-mailin e datës 09.10.2020 me korrespondencën e bashkangjitur; E-mailin e datës 12.11.2020 me korrespondencën e bashkangjitur; E-mailin e datës 21.12.2020 me korrespondencën e bashkangjitur; Lista e pagave të ankuesit për periudhën kohore janar - dhjetor 2020 te datës 24.02.2021; E-mailin e datës 10.02.2021; Listën e evidentimit në punë, E-mailin e datës 01.03.2021 me korrespondencën e bashkangjitur; Vendimin e Kryeministrit të Republikës së Kosovës te datës 21.01.2021 me numër 06/59; Vendimin e Kryeministrit të Republikës së Kosovës te datës 25.09.2020 me numër 02/32; E-mailin e datës 18.02.2021 me korrespondencën e bashkangjitur.

Kolegji për Shqyrtimin dhe Vendosjen e Ankesave, pas shqyrtimit të shkresave të lëndës konstatoj se Këshilli i Pavarur Mbikëqyrës për Shërbimin Civil të Kosovës, nuk është kompetent për të vendosur për ankesën e parashtruar nga ankuesi *sepse:*

Kolegji për Shqyrtimin e Ankesave bazuar në provat e lëndës, respektivisht Kontratën e Punës për kohë të pacaktuar me numër reference 07/1-01A/0423 te datës 01.09.2014, ka konstatuar se ankuesi mban pozitën e punës "Radio komunikues" në kuadër të Policisë së Kosovës-Njësia Rajonale në Prishtinë, dhe i njëjti sipas kontratës se punës kryen këto detyra të punës: *I pranon dhe i shpërndan informata hyrëse dhe dalëse nga zyra e komunikimit. Kujdeset për regjistrimin, sistemin dhe shpërndarjen e informatave. Mban shënime dhe kujdeset për veprimet e patrullave. Pranon të gjitha thirrjet dhe i shpërndan informatat. Angazhimi për mbajtjen e komunikimit të nevojshëm me Departamentit/Drejtoritë dhe njësitë tjera të Policisë së Kosovës. Mban kontakt me institucionet e ndryshme brenda territorit që kujdeset stacioni apo njësia. Kujdeset për sigurimin e të dhënave të kërkuara për njësitë patrulluese në terren. Bënë verifikimin e personave të dyshuar në listat përkatëse. Bënë verifikimin e veturave (për regjistrim, vjedhje, aksident etj). Kryen edhe punë tjera që ja përcakton mbikëqyrësi i drejtpërdrejtë në përputhje me aktet ligjore dhe nënligjore të cilat me arsye mund të kërkojnë kohë pas kohe e të cilat nuk cenojnë dinjitetin e punonjësit.*

Lidhur me pranueshmerinë e ankesës Kolegji ka analizuar dispozitat e Ligjit Nr.06/L-114 për Zyrarët Publikë, përkatësisht neni 2 ku përcaktohet se: 3. *Nëpunës civil - është zyrtari publik në kuadër të Shërbimit Civil, i cili ushtron detyrën në një pozitë, duke filluar nga zyrtari profesional deri në pozitën e sekretarit të përgjithshëm në administratën e Presidentit, në administratën e Kuvendit, në Zyrën e Kryeministrit, në ministri, në agjenci ekzekutive, në agjenci dhe në një degë lokale të tyre, në administratën e institucioneve të sistemit të drejtësisë, në institucion të pavarur, në agjenci të pavarur, në administratën komunale dhe çdo nëpunës i përcaktuar drejtpërdrejt me ligj të veçantë;* 6. *Nëpunës administrativo-teknik - dhe mbështetës është zyrtari publik, që kryen veprimtari ndihmëse, të mirëmbajtjes, ruajtjes, vozitjes, si dhe veprimtari të tjera të ngjashme në institucionet e administratës publike.* Në kuptim të këtyre dispozitave ligjore si dhe duke u bazuar në përshkrimin e detyrave të punës të ankuesit, Kolegji ka konstatuar se pozita "Radio komunikues" hynë në kategorinë e pozitave të nëpunësve me status administrativo-teknik dhe mbështetës, kështu që ankuesi nuk e ka statusin e nëpunësit të Shërbimit Civil.



Andaj, duke u bazuar në nenin 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, ku përcaktohet se Këshilli është kompetent për të shqyrtuar vetëm ankesat e nëpunësve civilë dhe kandidatëve për pranim në Shërbimin Civilë si dhe duke marr parasysh konstatimin se ankuesi ka statusin e nëpunësit administrativo-teknik dhe mbështetës, Kolegji konstaton se Këshilli i Pavarur Mbikëqyrës për Shërbimin Civil të Kosovës nuk është kompetent për të vendosur lidhur me ankesën A.nr.40/2021 të datës 01.02.2021 të parashtruar nga ankuesi

Kolegji për Shqyrtimin e Ankesave, bazuar në nenin 82 të Ligjit Nr.06/L-114 për Zyrtarët Publikë, ka konstatuar se marrëdhënia e punës e nëpunësit administrativo-teknik dhe mbështetës nënshtrohet legjislacionit të punës, dhe sipas 24 paragrafi 4 të këtij ligji, zyrtaret publik me status të nëpunësve administrativo-teknik dhe mbështetës kanë të drejtë të ankohen të punëdhënësi dhe më pas mund të fillojnë kontest administrativ në gjykatën kompetente.


Andaj, pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, Kolegji vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetarja e Kolegjit.


**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
Lënda me numër A.nr.40/2021

**Elakron Gashi**

  
Zyrtar i Lartë për Bashkëpunim Profesional

**Ardita Haxhnikaj-Demi**

  
Kryetare e Kolegjit



**Vendimi i dorëzohet:**

- Ankuesi
- Drejtorit të Përgjithshëm të Policisë së Kosovës;
- Udhëheqësit të Personelit të Policisë së Kosovës dhe
- Arkivit të KPMSHCK- së;

